

## 2 JON

<sup>1</sup> E Kristen gate. Ni uŋa Qotei na giltmej qaji. E anjam endi neŋgreŋyosim ni qa ti ino angro naŋgi qa ti qarinyonum. E niŋgi bole qalaqalaingeqnub. E segi sai. Tamo uŋgasari kalil anjam bole qalieonub qaji naŋgi dego niŋgi qalaqalaingeqnub.

<sup>2</sup> Anjam bole gagoq di unu. Anjam di bati gaigai gagoq di sqas. Utru deqa iga ningi qalaqalaingeqnub.

<sup>3</sup> Abu Qotei aqa Niri Yesus Kristus wo naŋgi aiyel anjam bole na ti qalaqalaiyo kumbra na ti iga qa dulosib are boleinjrimqa iga lawo na sqom.

### *Niŋgi segi segi qa qalaqalaiyo kumbra yoqniy*

<sup>4</sup> Ino angro qudei naŋgi anjam bole dauryeqnub. E di quoqnsim tulaj areboleboleibeqnu. Abu a nami iga mergej, “Niŋgi anjam bole di dauryiy.”

<sup>5</sup> Ariya uŋa, e anjam bei neŋgreŋyitqa ni sisiyosim daurye. Anjam agiende. Iga segi segi qa qalaqalaiyo kumbra yoqnqom. Anjam di dal anjam bunuj sai. Di dal anjam iga nami quoqnem qaji.

<sup>6</sup> Qalaqalaiyo kumbra agiende. Iga Qotei aqa dal anjam dauryqom. Dal anjam di agi niŋgi nami quoqneb. Deqa niŋgi dauryosib walwelooqniy.

### *Niŋgi Kristus aqa anjam siŋgila na ojesoqniy*

<sup>7</sup> Niŋgi quiy. Gisaŋ tamo gargekoba naŋgi mandamq endi laqnub. Laqnsibqa Yesus Kristus a tamo bulyosiq mandamq aiyej anjam di naŋgi na

olo saideqnub. Tamo deqaji bei a Kristus aqa jeu tamo kobaquja. A gisan ani tamo.

<sup>8</sup> Deqa niŋgi geregere ŋam atoqniy. Niŋgi ŋam atqab di gago wau iga nami nuŋgo ambleq di yoqnem qaji di niŋgi olo ulontqasai. Niŋgi siŋgila na tigelesosib mondonj awai tularj boledamu oqab.

<sup>9</sup> Niŋgi Kristus aqa anjam ojqa uratosib olo anjam bei totoryosib dauryqab di niŋgi Qotei ombla sqa keresai. Niŋgi Kristus aqa anjam siŋgila na ojesqab di niŋgi Abu Qotei aqa Niri wo naŋgi aiyel koba na gaigai sqab.

<sup>10</sup> Tamo bei a nuŋgoq bosim ariya a Kristus aqa anjam ti bqasai di niŋgi a banj ojetaib. Niŋgi a osib nuŋgo talq osi gilaib dego.

<sup>11</sup> Niŋgi a banj ojetqab di niŋgi a beteryesosib a ombla wau uge yqab.

*Jon a Kristen naŋgoq bosim anjam kalil min-jrekritqas*

<sup>12</sup> E anjam gargekoba neŋgreŋyosiy nuŋgoq qarinyqa kere. Ariya e neŋgreŋyqasai. E bosiy niŋgi nuŋgsiy anjam kalil merngekritqai. Yim niŋgi quisib areboleboleinŋwas.

<sup>13</sup> Ino jaja agi Qotei na giltej qaji aqa aŋgro naŋgi na ni kaiyeimonub. Bole.

**Yesus Aqa Anjam Bole 2014  
The New Testament in the Anjam language of Papua  
New Guinea, 2014 revision  
Nupela Testamen long tokples Anjam long Niugini,  
2014**

copyright © 2014 Wycliffe Bible Translators, Inc.

Language: Anjam

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-04-28

---

PDF generated using Haiola and XeLaTeX on 28 Dec 2024 from source files dated 31 Aug 2023

0eb339dc-c20a-5065-9483-338933d97585